

AKASHVANI AIZAWL

REGIONAL NEWS UNIT

Saturday, June 7, 2025 Time - 2:30pm - 2:35pm

11 YEARS OF MODI GOVT (HEALTH)

India sorkar laipuiin nu leh naute hriselna atana hma a lakna hrang hrang te chu National Health Mission (NHM) chuan Mizoramah hlawk takin a hmang mek.

Nau neih lawmman - Janani Suraksha Yojana (JSY); Damdawi Ina nau neih senso atana pawisa an pek Janani Shishu Suraksha Karyakram (JSSK) leh nau pai ni 9 a en ni - Pradhan Mantri Surakshit Matritva Abhiyan (PMSMA) te chu Mizo mipui ten an hlawkpui hle.

Akashvani zawhna chhangin NHM Mizoram State Consultant (Maternal Health) Dr. C. Remsangpuii chuan, Reproductive and Child Health (RCH) programme chu NHM hnuaiah kalpui a ni tih a sawi a. Nu leh naute hriselna atan hmalakna tam tak a awm tih sawiin, nau pai lai, nau neih lai leh neih hnu bakah naute kum 5 an tlin thlengin damdawi a thlawn a sem te, nau neih lawmman bakah nau neihna senso leh naupang kum 1 hnua lam damlo tan sorkar Damdawi In-ah senso tlem thei ang berin inenkawl theih a ni, a ti.

Mizorama mipui tam tak chu thingtlanga awm an ni a, khawpui angin thingthlangah chuan mimal Damdawi In a awm meuh lo a, Dr. C. Remsangpuii chuan, thingtlangah chuan mipui ten sorkar Damdawi In chauh pan tur an neih avanging sorkar laipui hmalakna hrang hrang te chu a tangkai zual hle niin a sawi bawk.

Nu leh naute tana hmalakna bakah hian, naupang tan rulhut do beihpui, khawthalo do beihpui leh pneumonia do beihpui te thlak a ni thin bawk a, henge hi ram chhung mipui ten an chhawr tangkai hle a ni.



11 YEARS OF MODI GOVT (SPORTS)

Prime Minister Narendra Modi kaihhruai sorkar kum 11 chhunga hmalakna hrang hrang zingah - Khelo India State centre of Excellence (KISCE) chu Mizoramah pawh hlawhtling taka kalpui mek a ni.

Olympic 1992 leh Olympic 1996 thalkah (Archery) huanga India aiawhtu, tuna Mizoram State Sports Council Joint Director Pu Lalremsanga chuan, sorkar laipuiin Khelo India a kalpui chu Mizoram in hma a sawn pui hle tih a sawi a, a bik takin thingtlang lamin tun hnuaiah hma an sawn nasat phah tih sawiin, tun hma lama khawpui mi an tluk hleih theih loh pawh an elphak tawh tih a sawi bawk.

Mizoramah chuan coach leh infiammi ten an awmchilh theihna - Khelo India State centre of Excellence (KISCE) hi kum 2021 khan bul tan a ni a. Mahse hripui leng (Covid-19) vangin a tir lamah harsatna a awm a, kum 2022 October thla atangin mumal zawka kalpui a ni. Mualpui, Aizawla Rajiv Gandhi Stadium-ah Boxing, Judo leh Weightlifting ten bul an tan a, heng infiamna huangah hian naupang 10 theuhin training an nei.

Youth Olympic 2018 Goldmedalist Jeremy Lalrinnunga pawh lo chher chhuak tawhtu, Mizo weightlifting coach Malsawma Khiangte chuan Khelo India State centre of Excellence (KISCE) chu Mizo infiammi ten an hlawkpui hle tih Akashvani a hrilh a, Mizoram mai ni loin India huap pawha medal lak theih phah an awm tih a sawi.

Aizawl bakah hian Mizoram chhunga district hrang hrangah Khelo India hi kalpui a ni a, sorkar laipui hmalakna hnuaiah hian - Football, Boxing, Badminton, Judo, Wrestling, Weightlifting, Taekwondo, Hockey, Archery leh Table Tennis ten training an nei thin a ni.



Id Ul Zuha

Aizawl-a Muslim awmte chu an sakhaw hun pawimawh Id ul Zuha pualin vawiin khan Aizawl Mosque Committee & Muslim Welfare Society Mizoram buatsaihin Vaivakawn Joint YMA Field-ah a huhova tawngtaina neih a ni.

Aizawl Mosque Committee & Muslim Welfare Society General Secretary, Mamon Majumdar-a chuan Id ul Zuha pualin Mizoram mipui zawng zawng te chibai an buk a, ram ralmuang tak hnua Mizorama Muslim sakhaw zuitute thlamuang taka an awm theihna-ah sorkar leh Mizoram mipuite chungah lawmthu an sawi a, Mizorama Muslim awmte chu dan in a phut angin ILP dik taka kalpuia nei turin a hrilh a, Mizorama kohhran, tlawmngai pawl hrang hrang leh Mizorama sorkar te nen thawhhona tha tak kalpui thei a, tun hun an hmang thei chu lawmawm an tih thu an sawi bawk a ni. I'd Ul Zuha pualin Mizoram mipui zawng zawng te duhsakna an hlan tih a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



11 Years of PM Govt

Prime Minister Narendra Modi kaihruaina hnuaia kum 11 chhunga sawrkar laipui hmalakna hrang hrang zinga Global Leadership leh Clean Energy lama hmalakna han tarlang ila. Kum 10 kal ta chhung khan India chuan boruak tih thianghlim kawngah hmalakna leh hmasawnna ropui tak neiin, khawvel pumah hmahruaitu pawimawh tak a ni a. FY 2024-25 chhungin renewable energy capicity 29.52 ah siam belhin, nikum kha chuan GigaWatt 198.75 a ni a, kuminah chuan GigaWatt 220.10 niin, hmasawnna nasa taka hmuh theih niin hei hian ni zung leh thli hmanga khawlphetha siam chhuah leh pek chhuah kawngah nasa takin a pui a ni.

Tun dinhmunah India chu Renewable Energy Country Attractiveness ah 7-na a ni mek a ni.

